



UNIVERSITÄTS-
BIBLIOTHEK
PADERBORN

Universitätsbibliothek Paderborn

Linda Mariana, Sive De B. Virgine Lindensi

Clagius, Thomas

Coloniae Vbiorvm, 1659

V. Primus à Regia, pro vindiciis & instauratione Lindae Marianaë, conatus
prorsum irritus.

urn:nbn:de:hbz:466:1-11544

CAPUT V.

Primus à Regia, pro vindiciis & instauratione Tiliæ Marianæ
conatus, profum irritus.

Quandoquidem neque per Fridericum Berent aut Sadorcium; neque per se, ipsumque serenissimum Prussiæ Ducem ac Electorem, quidquam in causa sacrorum fundique Lindensis Rudnicus Episcopus promovit; non ignarus, omnes in unius fundi illius hereditas esse remoras, majores ac validiores ad perfringendam hominis pertinaciam, admovit arietes. Perpectum habebat Rudnicus, quod universo orbi Christiano perspectissimum quoque erat, quanto Sigismundus III. Poloniæ & Sueciæ Rex, totaque Regis illius Aula, ad promovendum DEI ac Deiparæ cultum arderet studio. Cùm Rege igitur, & iis, qui Regem proximi circumstabant, anxie egit, ut suam interponerent auctoritatem atque operam. Nimirum servabatur ista Tiliæ Marianæ adorea, Regiæ Sigismundi III. Domui: ut & ipse, qui tot, & tanta rerum pro Ecclesia DEI & Repub. Christiana gestarum statuisset Trophæa, & serenissima ejus Conjux Regina Constantia, & liberi omnes, pro restauranda, augenda, ornandaque Deipara Lindensi, inter se quodammodo de laurea certare viderentur. Quemadmodum enim, uti videbimus, Rex, & Regina, & serenissimus Uladislavus, tunc Princeps, postmodum Rex, fundum vindicando, ipsa quasi fundamenta Lindæ Marianæ jecerunt; ita & serenissimus Joannes Casimirus Rex, & Joannes Albertus Cardinalis, & Carolus Ferdinandus, & Anna Catharina Con-

R 5

stan-

stantia, suis sive votis ac suffragiis, sive etiam singularibus donariis jacta semel eductaque in altum fundamenta ornârunt, ac stabilierunt. Cæterùm; quia negotium per Sadorscium inchoatum jam erat, ut extrema causæ, suo cohærent capiti, per eundem deinceps visum est etiam ab Regia Grobenium esse urgendum. Jam antè, ut vidimus, cum Ottone à Groben egerat Sadorscius; sed ille sive, pro hæretico, qui adhuc turgebat, spiritu; sive etiam pro ingenii, qui pollebat, dexteritate, ut Sadorscio fucum faceret, videretur hominem, quemadmodum è Regiis, quas debimus, literis patebit, ad generum suum, Casparum Fischhausen, Dunamundensem in Livonia Præfectum rejecisse. Cùm enim illi filiam in matrimonium Grobenius dedisset, facilè in vim dotis etiam Fundum Lindenlem dedisse credi poterat. Et videtur credidisse Sadorscius, qui Anno MD CXVI. serenissimo Regi supplicatus, primas à Regia, non ad Grobenium, sed ad illius generum Fischhausium, literas hæc verba impetravit.

Generoso Casparo Fischhausen, Capitaneo nostro Dunamundensi, fideliter Nobis dilecto.

Generose, nobis fideliter dilecte: Generosus Stephanus Sadorsky Secretarius noster, fundum quendam Fidelitatis tue hereditarium, Linde antiquitus appellatum, sequi querere velle, idque summopere optare, Nobis exposuit. Cui cum propter singulare suum, de Nobis bene merendi studium optimè faveamus; valde cuperemus eum voti sui, hoc negotio, compotem fieri. Quapropter rem gratissimam Nobis se facturam Fidelitas tua persuadeat, si huic Secretario nostro, commendationis nostræ causâ studium suum testetur.

rum reddiderit: sequè voluntati nostræ, hac in parte gratificari velle ostenderit. Non deerit occasio, quâ Nos huius studii sui Fidelitas tua, gratos esse agnoscet: quam interim bene valere cupimus. Datum Varsavia die xxx. Mensis Septembris, Anno Domini MDCXVI. Regnorum nostrorum Polonia XXIX. Suecia XXIII.

SIGISMUNDUS REX.

In cassum fuisse has serenissimi Regis literas datas, Sadorscium que non in Æneam, sed in objectam à Grobenio nubem pugnâsse, vel inde constat; quod deinceps, non jam Fitchhausio, sed ipsi Grobenio, plures & vehementiores à Regiis manibus, totaque propè Domo Regia stimuli admoti sint.

C A P U T VI.

Secundo à Regia conatu adhibito, Area pro erigendo Lindæ Marianæ sacello obtinetur.

SECUNDIORES aliquanto videri possunt literæ, secundo loco ab Aula Regia pro Lindæ Marianæ vindiciis datæ; quandoquidem tantum habuere ponderis, ut Aream pro reædificanda postliminio Deiparæ Ædícula obtinuerint. Cæterum, si tum Regiarum Majestatem literarum, tum rei obrentæ magnitudinē attendamus, vix illæ quoque literæ prioribus deprehendentur fuisse secundiores. Quid enim? ad tantæ Regis ac Reginae, ad serenissimi Principis Uladislai, & aliorum in Regia Aula procerum literas, vel potius preces, nihil ampliùs, nisi Aream, pedes circiter 40. longam, & 26. latam, obtineri potuisse! Carò emi, vulgo ajunt, quod precibus ematur: quanti igitur hæc Area empra, quæ supra precibus